

北京圖書館 編

北京圖書館藏珍本
年譜
叢刊



第 110 冊

北京圖書館出版社

□ 北京圖書館 編

北京圖書館藏珍本
年譜叢刊

北京圖書館出版社

第 110 冊

方樹梅編 民國十八年刻本

錢南園先生年譜

第一一〇冊目錄

錢南園先生年譜	一
三松自訂年譜	一三五
翠微山房自訂年譜	一九五
是齋公編年	二八九
邵二雲先生年譜	三二一
吳蘇泉編修年譜	四六七
沈丹厓年譜	四八一
岱玖公年譜	五九一
王石臞先生年譜	五九九

錢南園先生年譜敘

吾友方臞仙好學嗜古尤留意鄉先正遺蹟若著作文
字若書若畫購置收藏充牣鄴架錢南園先生又先正
之最著者名滿天下非獨鄉人欽仰也其軼事婦孺能
談之其立朝大節士大夫類能道之若其先人之訓誨
師友之切劘與其身自少而壯而老之經歷能知其詳
者鮮矣臞仙乃周稽博考爲年譜上下二卷書旣成同
序於余余讀竟喟然曰是真能得我心也是真能匡我
所不逮也余故景慕先生者爲之立祠爲之重刊遺集
豈不盡吾心力以表章先正使後學者有所矜式耶顧

私心竊有憾者欲爲年譜而未遂耳或牽於世事不暇爲或憚於搜輯不果爲歲月不居忽忽數十年而老夫髮矣益歎其無能爲也豈非大憾今吾所欲爲者而躍仙爲之是之謂得我心吾所不暇爲不果爲者而躍仙爲之卒底於成是之謂匡我所不逮然吾於是重有感焉先生生乾隆時余生咸豐時其年皆庚申也先生卒於乙卯春秋五十六今歲戊辰而余身猶在年且七十矣以人壽論突過先生而自反此生所爲非不以先生爲師實無一及先生者先生爲窮秀才達官顯者不能羅致門下我則不及先生居官彈劾權貴明國法正朝

綱天下想望風采我則不及先生爲學使對於士林用
嚴而人畏之善教而人愛之我則不及先生居憂閉門
教授足迹絕於公室我則不及先生家被水患卽詳考
六河以祛其灾澤被於桑梓我則不及先生詩古文辭
樸厚蒼古適如其人我則不及先生書法堅硬峭厲自
在流行師古而邁古卓然自立又適如其人我則不及
先生當國家全盛時謇謇諤諤竭智盡忠未竟其用齎
志以終余邁陽九谷賈陵遷覲然人面偷息世間此尤
愧對先生過廟門而不敢入者十有餘年矣矧仙屬爲
敘余雖不敢辭而以余仰望先生則先生鶴也我乃爲

雞先生騏驥也我乃爲駑駘世之溢美者謂余於先生
如顏苦孔之卓如曹隨蕭之規故余直陳其不及者以
見先生之翹然而獨異余亦不敢翼然而自欺也臞仙
知我者或亦許吾之此言爲能自知歟戊辰十月同邑
後學陳榮昌敬撰



南園先生四十六歲象原列王鎮之中丞
九友圖番禺葉蘭臺撫入清代學者
象傳茲又重撫列入年譜民國丙子冬
十月晉寧後學方枏梅謹記

錢南園先生年譜卷上

晉甯後學方樹梅編

先生名澧字東注一字約甫南園其號也姓錢氏雲
南昆明人系出江寧始祖鑄明成化間幕遊入滇會
太監錢能來滇以同姓故欲引使附已鑄恥之逃匿
迤西能去始還先有王指揮者遭能之禍幾不測深
重其氣節以女許字遂家於昆明六傳至先生高祖
宏道字純天諸生明永明王由榔入滇倡諸生往迎
業具疏數百言斥馬吉祥奸是日適雨道滑失足墮
疏泥中敗裂不可陳扳轅長號口素吃不能遽達欲

語衛士力驅不釋永明王至頓所命復疏進然經顛
頓氣結手顛不能執筆時迫弟宏毅代之書弟慮禍
僅以清心寡欲挽回天意諸常語上深以爲憾參先生撰

高祖純天公言行紀畧袁
文揆錢南園先生別傳

曾祖以敬字慎居幼淳至極爲叔父鍾愛一日戲謂
曰汝衣如是壞汝父何不亟爲汝更對曰衣壞於人
無與也以此彌欲得以爲嗣比旣婚妻母凡數女皆
適士夫以敬猶未補弟子員又素貧每至外家禮待
出僚壻右一日俱集有援琴彈者一止之曰吾傷知
音稀也意蓋謂以敬罷曲以敬徐摘誤數處妻母屢

後出曰我國自負知人今何如矣尤精卜筮有品學

能詩曾祖妣氏羅

參先生撰曾祖慎居公言行紀
容程含章錢南園先生墓誌銘

祖宓字用章八歲時避兵遇遊騎欲掠之曾祖不忍
釋宓抱持尤固其騎以刀背擊曾祖者再乃脫已而
數遇警明年竟爲他騎掠得置之貝子營凡八閱月
曾祖蹤跡至適隨被掠諸幼出刈草遙隔澗見之有
同族年長數歲者適亦與俱將引並竄而不敢言微
攬衣示意疑爲相戲掉臂他顧遂得脫長而慷慨多
義行祖妣氏金生子五世賢世能世俊世傑世英
參先生撰王父用章公言行
紀畧及先生手書冊子

世賢未娶卒世能幼病目不解去從浮圖法歷六七

年病瘵誓不返初服世傑以女適邱早寡這從舅姑

於杭送之俱往亦不返世英早殤

先生手書冊子

父世俊字子位晚自號拙叟家貧以冶銀爲業好施

濟家大東門外之太和街拙叟公先娶塗氏

廣南訓導涂崇

孫生子廣生四歲殤繼娶李氏生子五先生及潮源

從貴沈也女一適段姓

參先生撰拙叟公言行紀畧自書冊子袁文揆撰先生別

傳

乾隆五年庚申四月初一日先生生

案先生生於昆明大東門外之太和街其故宅遺

址今猶存

先生父拙叟三十二歲

案拙叟公康熙四十七年己丑生以卒年八十三
推之是年當三十二歲

先生友人昆明文泰運西浦生景東涂躍龍二餘長
先生二歲幾化彭翥南池少先生二歲昆明陳琦再

馮已八歲見先生涂二餘
靜寧紀事詩序

乾隆六年辛酉二歲

乾隆七年壬戌三歲

乾隆八年癸亥四歲

先生弟潮生先生手書冊子

先生友人餘姚邵晉涵二雲生

乾隆九年甲子五歲

先生王父用章公卒年七十三

乾隆十年乙丑六歲

先生弟源生先生手書冊子

乾隆十一年丙寅七歲

是歲先生出就外傳先生王母金氏言行紀畧云

澧受書後每言兒不得志則已苟得志萬勿爲朝廷

造一兵端

先生友人陽湖洪亮吉北江生

乾隆十二年丁卯八歲

先生王母金氏卒 先生王母金氏言行紀畧云二月白蓮邪黨伏誅是日曉晨陰晦澧自塾歸先妣持火熏者再三坐之膝側命閉門先妣于隱處出藏食命食食已乃啟門而鄰人頗傳行刑杵骨爲灰斷頭盈地諸狀謂澧曰汝勿謂若曹之死爲慘事幸早覺使再遲得逞如我病軀寧復能與眾奔避若少時耶越四日病革數日無語忽命扶坐目先妣謂之曰吾但得一卽送一與汝敬問何物已瞑時澧亦隨侍榻